

Канон воскресный, глас 1:

Твоя победительная десница/ Боголѣпно в крепости прослѣвися:/ та бо, Безсмѣртне,/ яко всемогущая, противныя сотре,// Израильтяном путь глубины новосодѣлавшая.

Катавасия: Отверзу уста моя,/ и наполнятся Духа,/ и слово отрыгну Царице Матери,/ и явлюся светло торжествуя,// и воспою радуясь Той чудеса.

Песнь 3:

Едине ведый человеческого существа немощь/ и милостивно в не вообрази,/ препояши мя с высоты силою,/ еже вопити Тебѣ, Святыи,/ одушевленный храмѣ/ неизреченныя славы Твоея,// Человѣколюбче.

Катавасия: Твоя песнословцы, Богородице,/ живый и независтный источникъ,/ лик себе совокупльшия, духовно утверди:/ в Божественней Твоей славе// венцев славы сподоби.

Песнь 4:

Гору Тя благодатию Божиею приосененную,/ прозорливима Аввакум усмотрив очима,/ из Тебе изыти Израилеву провозглашаше Святому,// во Спасение наше и обновлѣние.

Катавасия: Седяи в славе,/ на престоле Божества,/ во облаце легце/ прииде Иисус Пребожественный,/ нетленною дланию,/ и спасе зовущия:// слава, Христѣ, силе Твоей.

Песнь 5:

Просветивый сиянием пришествия Твоего, Христѣ,/ и осветивый Крестом Твоим мира концы,/ сердца просвети светом Твоего Богоразумия,// православно поющих Тя.

Катавасия: Ужасошася всяческая/ о Божественней славе Твоей:/ Ты бо, Неискусобрачная Дѣво,/ имела еси во утробѣ над всеми Бѣга/ и родила еси безлетнаго Сына,/ всемъ воспевающимъ Тя// миръ подавающая.

Песнь 6:

Обы́де нас последняя бѣздна,/ несть избавля́й,/ вменихомся, яко овцы заколе́ния,/ спаси люди Твоя, Бо́же на́ш,// Ты бо крепость немощствующих и исправле́ние.

Катавасия: Божественное сие и всечестно́е/ соверша́юще пра́зднество,/ богомудрии, Богома́тере/, приидите, рука́ми воспле́щим,// от Нея рождшагося Бо́га славим.

Песнь 7:

Тебе умную, Богоро́дице, пе́щь/ рассмотрим, ве́рнии,/ якоже бо отроки спасе три Превозно́смый,/ ми́р обнови, во чреве Твоём всеце́л,// хвальный отецв Бо́г и препросла́влен.

Катавасия: Не послужиша твари богому́дрии/ па́че Созда́вшего,/ но огненное прещение мужески попра́вше,/ радовахуся пою́ще:// препетый отецв Госпо́дь и Бо́г благослове́н еси.

Песнь 8:

В печи отроцы Изра́илевы,/ якоже в горни́ле,/ добротою благочестия/ чистее злата блестяхуся, глаго́люще:/ благословите, вся дела Господня, Го́спода,// пойте и превозно́сите во вся ве́ки.

Катавасия: Отроки благочестивыя в пе́щи/ Рождество Богородино спасло есть;/ тогда убо образу́емое,/ ныне же де́йствуемое,/ вселенную всю воздвизает пе́ти Тебе:/ Го́спода пойте дела// и превозносите Егó во вся веки.

Песнь 9:

Образ чистаго рождества́ Твоего́,/ огнепали́мая купина показа неопáльная;/ и ныне на нас напáстей/ свирепе́ющую угасити, мо́лимся, пе́щь,// да Тя, Богородице, непреста́нно велича́ем.

Катавасия: Вся́к земноро́дный/ да възиграется, Духом просвещáемь,/ да торжествует же безплотных умóв естество́,/ почитающее священное торжество́ Богома́тере,/ и да вопи́ет:/ ра́дуйся, Всеблаже́нная// Богородице, Чи́стая Приснодево.